

**Nunatsinni plastikini atuinertup annikillissarnissaa anguniarlugu Naalakkersuisut kingusinnerpaamik UPA2020-mi suliniutissanik iliuusissatut pilersaarusiamik saqqummiussinissaannut peqquneqarnissannik Inatsisartut aalajangiiffigisassaattut siunnersuut. Suliniutissatut pilersaarutit anguniagassartai tigussaasuussapput iliuusissanillu ilaqartinneqassallutik. Pingaarnertut suliniutissatut anguniagassat EU-mi plastikini atuinertup annikillisaaviginissaanut pimoorussamik suliniutaannut appasinnerussanngillat.**  
(Inatsisartunut ilaasortaq Mimi Karlsen, Inuit Ataqatigiit)

## **Pillugu**

### **Eqqissimatitsinermut Avatangiisinullu ataatsimiititaliap**

#### **Siunnersuutip aappasaanneerpeqarnerani**

#### **ISUMALIUTISSIISSUTAA**

Suliarinninnermi ataatsimiititaliaq ukuninnga inuttaqarpoq:

Inatsisartunut ilaasortaq Doris J. Jensen, Siumut, siulittaasoq  
Inatsisartunut ilaasortaq Aqqa Samuelsen, Inuit Ataqatigiit, Siulittaasup tullia  
Inatsisartunut ilaasortaq Nikkulaat Jeremiassen, Siumut  
Inatsisartunut ilaasortaq Mikivsuk Thomassen, Inuit Ataqatigiit  
Inatsisartunut ilaasortaq Steen Lynge, Demokraatit

Siunnersuut UPA2019-mi ulloq 25. april siullermeerlugu oqallisigineqarnerata kingorna ataatsimiititaliamit suliarineqarpoq:

#### **Siunnersuutip imarisaa siunertaalu.**

Naalakkersuisut kingusinnerpaamik UPA2020-mi plastikini atuinertup annikillissarneqarnissaa pillugu suliniutissanik iliuusissatullu pilersaarusiamik saqqummiussinissaat siunnersuuteqarnermini siunnersuuteqartup kissaatigaa. Aamma siunnersuuteqartup oqaatigaa Naalakkersuisut plastikini atuinertup annikillissarneqarnissaa pillugu kommuninik inuussutissarsiortunillu suleqateqassasut. Ilanngullugulu siunnersuuteqartup oqaatigaa avatangiisitta illersornissaanut mingutsinneqannginnissaanullu tamatta akisussaassuseqarluta suleqatigiinnissarput pisariaqartoq.

#### **Siunnersuutip inatsisartuni siullermeerneqarnera.**

Partiit amerlanerussuteqartut siunnersuut ilalerpaat ataatsimiititaliamullu suliassanngorlugu ingerlateqqillugu. Siunnersuut Naalakkersuisut taperserpaat oqaatigalugulu plastikini atuinertup aamma tamakkua pinngortitamut mingutsitsissutaanerisa kiisalu avatangiisinut sunniutaasa unammilligassaqartitsinerat pillugu suliniutit aallartinneqareersimasut

isiginiarneqalereersimasullu. Plastikkit atugaanerisa annikillisarneqarnissaat aamma atoqqiisinnaaneq siunertaralugu allanik suliniuteqartoqarnissaa pillugit nutaanik inatsisiliortoqarnissaa pisariaqarnerisooq Naalakkersuisut misissussallugu oqaatigaat.

### **Siunnersuutip ataatsimiititaliamit suliarineqarnera.**

Naalakkersuisut, kommunit kiisalu inuussutissarsiortut suleqatigalugit piffissaq ungasinnerusoq eqqarsaatigalugu plastikkit atorineqarnerisa annikillisarneqarnissaat pillugu peqquneqarnissaat partiit annertuumik isumaqatigissutigimmassuk ataatsimiititaliamit naammagisimaarneqarpoq.

Plastikkinik atueqqissinnaanermi suliap ingerlanneqarnerata qanoq naammassineqarnissaa ataatsimiititaliamit malinnaaffigineqassaaq kaammattuutigalugulu Naalakkersuisut kommuninik, inuussutissarsiortunik soqutigisaqatigiinnillu allanik pitsaasumik oqaloqateqarneq aallartissagaat.

Ataatsimititaliap neriutigaq pineqartunut attuumassuteqartut tusarniaavigineqassasut, taamaalilluni unammillernartuusinnaasunut aammalu siunnersuutitut tusaaaniarneq ersersinneqassammat, ajornartorsiutaasumullu aaqqissuteqarfiginiarneranut piginneqataatitsineq tamanut misigitinneqassammat.

Plastikkinik atoqqiisarnerup qanoq ililluni piviusunnngortinneqarnissaa pillugu peqataasut tamarmik Naalakkersuisunit oqaloqatigisarnissaanut ataatsimiititaliaq kaammattuuteqarpoq. Ilanngullugulu ataatsimiititaliamit Naalakkersuisut kaammattorneqassapput ajornartorsiutip iluarsineqarnissaa siunertaralugu sumiiffinni peqataatitsinissaq aallaqqaataaniit ersarissumik piviusunnngortinniarneqarnissaa anguniaqqullugu.


### **Siunnersuutip aningaasatigut kingunerisassai.**

Inatsisartut suleriaasianni § 33. Imm. 1-mi allassimavoq aalajangiiffigisassatut siunnersuutip piviusunnngortinneqarnerani aningaasatigut kinguneritinneqartussat siunnersuutip tunngavilersuutaanut ilanngullugit allassimassasut.


Siunnersuutip piviusunnngortinneqarnerani aningaasatigut kinguneritinneqartussat siunnersuummi tamatumunnga naapertuuttumik allassimasut ataatsimiititaliamit maluginiarneqarpoq, tassa, allaffissornikkut kinguneritinneqartussani atuinermi AC-fuldmægtig-tut akissarsiaritinneqartut ukiumut 500.000 kr., ataatisannngikkaat.

### **Ataatsimiititaliap inassuteqataa.**

Tamanna tunngavigalugu ataatsimiititaliap **isumaqatigiittup** siunnersuut **akuerisassannngortippaa.**



Aqqa Samuelson  
Siulittaasup tullia




Doris J. Jensen  
Siulittaasoq



Nikkulaat Jeremiassen



Mikivsuk Thomassen



Steen Lyng